



Ne vidim razlog da nemamo i dva udruženja, kaže Širbegović

Konkretni interesi poslodavaca

Nedavno su Faruk Širbegović, Gavriilo Bobar i Jerko Ivanković-Lijanović osnovali Uniju poslodavaca BiH. Kako naglašava predsjednik Unije, Faruk Širbegović u rad Unije su se uključili Tomislav Antunović, Eldin Brčnaninović, Muhamed Pilav, Goran Stanić, Mustafa Uzunalić, Petar Čorluka, Vinko Čuro, Nedim Čaušević, Miralem Jahić, Samir Fočak i mnogi drugi. Međutim postavlja se pitanje da li je Unija poslodavaca konkurent Asocijaciji privrednika BiH.

“Na jedan specifičan način Unija jeste konkurent Asocijaciji, ali svaka zdrava konkurencija je dobra i poželjna. Međutim, ovdje se mora naglasiti da Asocijacija i Unija imaju slične ciljeve i da bi u budućnosti trebali saradivati i biti partneri u ostvarenju tih ciljeva”, naglašava Širbegović.

Poslovni ambijent

No, bitna razlika između Asocijacije poslodavaca BiH i Unije poslodavaca BiH je prije svega u konceptu. “U proteklim godinama Asoci-

jacija poslodavaca BiH nije ispunila svoju misiju, a najveću odgovornost za to snose, prema mom mišljenju, osnivači, to jest udruženja koja su je formirala. Unija poslodavaca je formirana od strane kompanija koje dolaze iz oba entiteta i naš rad smo usmjerili na konkretne interese poslodavaca. Nedavna konferencija koja je održana u Sarajevu bila je prilika da damo konkretne prijedloge za koje smatramo da su dobri i za poboljšanje poslovnog ambijenta, a ujedno doprinose državnim interesima”, naglasio je Širbegović.

Nedavno su Faruk Širbegović, Gavriilo Bobar i Jerko Ivanković-Lijanović osnovali Uniju poslodavaca BiH. O tome li je Unija poslodavaca konkurent Asocijaciji privrednika BiH, o čemu govori predsjednik Faruk Širbegović. Razgovarala Mahira Selimović

“Pošto imamo i višepartijski sistem ne vidim razlog da nemamo i dva udruženja poslodavaca. Mislim da je interes svih poslodavaca da se međusobno udružuju i rade na zaštiti svojih interesa.”

Nadaju se da nikome nije sporno da država treba donositi propise koji bi olakšali kompanijama da uspješno posluju, da se razvijaju, a to znači da doprinose na neposredan način blagostanju zajednice.

“Pošto imamo i višepartijski sistem ne vidim razlog da nemamo i dva udruženja poslodavaca. Mislim da je interes svih poslodavaca da se međusobno udružuju i rade na zaštiti svojih interesa. Pojedine kompanije su zahvaljujući vezama sa centrima moći uspjele da sebi obezbijede određene privilegije. Mi se nećemo koristiti takvim metodama i zalagati ćemo se za sistemsku rješenja koja čine sve kompanije u BiH ravnopravnim”, objašnjava Širbegović.

Evropske integracije

Unija poslodavaca prvenstveno ima zadatak da predstavi i zastupi profesionalne i ekonomsko-razvojne interese - prije svega u odnosima sa vladama i sindikatima, kao i ostvarivanje uticaja na poboljšanje i razvoj mikro i makroekonomskog okruženja. “Također, od bitne važnosti nam je i poboljšanje konkurentnosti preduzeća za nastup na domaćem i inozemnom tržištu što bi unaprijedilo aktivno učešće u evropskim i regionalnim integracijama. Jedan od glavnih zadataka je pružanje stručne podrške i pomoći članovima te privrednim društvima u različitim poslovnim oblastima i djelatnostima”, kaže Širbegović.

U narednom periodu u planu je i ostvarivanje drugih interesa članova, kao privrednih društava, u oblasti ekonomske politike i tržišnog razvoja što zahtijeva saradnju sa istim ili srodnim domaćim i inozemnim udruženjima, organizacijama i institucijama. **B**